



Broj: 02-11-4-997-11/26  
Goražde, 23.06.2026. godine

Na osnovu člana 70. stav 1. i 3. i člana 72. stav 3. tačka f) Zakona o javnim nabavkama ("Službeni glasnik BiH" br.39/14, 59/22, 50/24) u postupku Konkurentskog zahtjeva za dostavljanje ponuda za nabavku opreme za PVJ u Goraždu; **Lot 1- Nabavka i isporuka vatrogasnih crijeva, mlaznica i ostale slične opreme** Gradonačelnik Grada Goražda donosi:

## O D L U K U

**o izboru drugorangiranog ponuđača  
u postupku javne nabavke i isporuke vatrogasnih crijeva, mlaznica i ostale slične opreme**

### I

Ovom Odlukom se Ugovor o nabavci i isporuci vatrogasnih crijeva, mlaznica i ostale slične opreme (Lot 1) dodjeljuje drugorangiranom ponuđaču VUMI d.o.o. Bijeljina sa cijenom ponude, nakon održane e-aukcije, u iznosu od 2.680,00 KM, bez uračunatog PDV-a.

### II

Drugorangirani ponuđač je u skladu sa uslovima iz Tenderske dokumentacije, dužan na adresu Ugovornog organa dostaviti original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama. Navedena dokumentacija mora biti zaprimljena kod Ugovornog organa – Gradske uprave Goražde u roku od 7 dana od dana prijema ove Odluke.

### III

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u postupku javne nabavke u skladu sa članom 70. stav 3. Zakona o javnim nabavkama.

### IV

Ovom Odlukom stavlja se van snage Odluka o izboru najpovoljnijeg ponuđača broj 02-11-4-997-5/26 od 27.04.2026. godine kojom se prihvata preporuka Komisije za provođenje postupka javne nabavke opreme za potrebe PVJ u Goraždu i Ugovor o nabavci i isporuci vatrogasnih crijeva, mlaznica i ostale slične opreme (Lot 1) dodjeljuje ponuđaču NEXIS d.o.o. Sarajevo, sa ponuđenom cijenom ponude, nakon održane e-aukcije, u iznosu od 2.679,00 KM, bez uračunatog PDV-a.

## O b r a z l o ž e n j e

Gradonačelnik Grada Goražda je dana 19.03.2026. godine donio Odluku o pokretanju postupka javne nabavke opreme za potrebe PVJ u Goraždu broj: 02-11-4-997-2/26, putem postupka Konkurentskog zahtjeva za dostavljanje ponuda, podjelom na lotove, kako slijedi:

- Lot 1 – Nabavka i isporuka vatrogasnih crijeva, mlaznica i slično za potrebe PVJ
- Lot 2 – Nabavka i isporuka sredstava, pogonskih sredstava za gašenje požara i slično za potrebe PVJ
- Lot 3 – Nabavka i isporuka izolacionih aparata za potrebe PVJ

Na osnovu navedene Odluke, dana 24.03.2026. godine, na portalu javnih nabavki objavljeno je Obavještenje o nabavci 413-7-1-16-3-44/26, a sažetak navedenog Obavještenja o nabavci objavljen je u „Službenom glasniku BIH” broj 23/26.

Tenderska dokumentacija za ovu nabavku je objavljena takođe na portalu javnih nabavki i istu je preuzelo 23 zainteresovana ponuđača.

Kao krajni rok za dostavljanje ponuda u ovom postupku nabavke je određen 08.04.2026. godine do 11:00 sati.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 08.04.2026. godine.

Komisija za provođenje procedure javne nabavke imenovana posebnim Rješenjem Gradonačelnika broj 02-11-4-997-3/26 od 19.03.2026. godine sačinila je Zapisnik o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za javnu nabavku i isporuka vatrogasnih crijeva, mlaznica i slično za potrebe PVJ - Lot 1 dostavljene ponude od strane ponuđača, kako slijedi:
  - NEXIS d.o.o. Sarajevo sa ponuđenom cijenom u iznosu od 5.000,00 KM, bez PDV-a
  - VUMI d.o.o. Bijeljina sa ponuđenom cijenom u iznosu od 5.000,00 KM, bez PDV-a
  - FINANC d.o.o. Mostar sa ponuđenom cijenom u iznosu od 4.760,00 KM, bez PDV-a
- da dostavljene ponude ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom
- da je dana 20.04.2026. godine održana e-aukcija, nakon koje je sačinjena Konačna rang lista ponuđača, kako slijedi
  - NEXIS d.o.o. Sarajevo sa ponuđenom cijenom u iznosu od 2.679,00 KM, bez PDV-a
  - VUMI d.o.o. Bijeljina sa ponuđenom cijenom u iznosu od 2.680,00 KM, bez PDV-a
  - FINANC d.o.o. Mostar sa ponuđenom cijenom u iznosu od 4.100,00 KM, bez PDV-a
- da je nakon održane e-aukcije ponuda ponuđača NEXIS d.o.o. Sarajevo sa cijenom ponude u iznosu od 2.679,00 KM, bez PDV-a, prema kriteriju „najniža cijena“ ocjenjena kao prihvatljiva i najpovoljnija za Ugovorni organ.

Komisija za provođenje postupka javne nabavke opreme za potrebe PVJ u Goraždu predložila je Gradonačelniku Grada Goražda donošenje Odluke o prihvatanju ponude ponuđača NEXIS d.o.o. Sarajevo za nabavku vatrogasnih crijeva, mlaznica i ostale slične opreme (Lot 1) budući da je ponuda navedenog ponuđača na osnovu provedene procedure, ocjenjena kao prihvatljiva i najpovoljnija za ugovorni organ. Preporuka Komisije je prihvaćena te je dana 27.04.2026. godine donesena Odluka o izboru najpovoljnijeg ponuđača broj 02-11-4-997-5/26 koju je ponuđač NEXIS d.o.o. Sarajevo zaprimio dana 05.05.2026. godine i u skladu sa istom dana 08.05.2026. godine na adresu Ugovornog organa dostavio dokumentaciju kojom dokazuje ispunjavanje uslova u pogledu lične sposobnosti iz člana 45. Zakona o javnim nabavkama.

Dana 04.06.2026. godine ponuđač NEXIS d.o.o. Sarajevo zaprimio je Ugovor o nabavci i isporuci vatrogasnih crijeva, mlaznica i ostale slične opreme (Lot 1) koji je odbio zaključiti pod uslovima iz tenderske dokumentacije i ponude koju je dostavio.

Slijedom navedenog, na osnovu člana 72. stav (3) tačka f) Zakona o javnim nabavkama Ugovorni organ će prijedlog naprijed navedenog Ugovora dostaviti drugorangiranom ponuđaču VUMI d.o.o. Bijeljina, kako je i odlučeno u dispozitivu ove odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknadi za pokretanje žalbenog postupka.

Akt sačinila Linaida Pilav Pregledala Elvira Tirović

DOSTAVITI:

1. Ponuđačima,
2. u spis,
3. a/a

